

**Baefeso 2:2 a lo kileng Iwa bo lo tsamaya mo go ona ka fa mokgweng wa lefatshe leno, jaaka mong wa loapi a laola, e bong mowa o le jaanong o dirang mo bathong ba ba sa utlweng.**

**Matheo 6:10 puso ya gago a e tle; thato ya gago a e dirafale mo lefatsheng jaaka kwa legodimong."**

**Luka 22:42 a rapela a re: "Rara, fa o rata, tlosa senwelo se mo go nna; fela a go se dirafale thato ya me, mme go dirafale ya gago!" 43 Jaanong ga bonala moengele kwa go ene, a tswa legodimong, a mo thatafatsa.**

**Johane 16:7-9 Mme ke lo bolelela boammaaruri, fa ke re: Go molemo go lona, fa ke tsamaya; gonne fa ke sa tsamae, Mogomotsi ga a ka ke a tla go lona. Mme fa ke tsamaya, ke tla mo romela go lona. 8 Fa a sena go tla, o tla lemosa lefatshe boleo le tshiamo le katlholo; 9 boleo, e le go sa dumeleng ga bone mo go nna;**

**2 Timotheo 2:10 Ke gona ka moo ke itshokelang dilo tsotlhе ka ntlha ya batlhaolwi gore le bone ba amogele pholoso e e mo go Keresete Jesu le kgalalelo e e sa khutleng.**

**Baroma 15:20,21 Ke ne ke itlotla ka go rera Efangele, kwa Keresete a iseng a bolelwe teng gore ke se ka ka aga mo motheong wa yo mongwe. 21 Mme e le jaaka go kwadilwe ga twe: "Ba ba iseng ba itsisiwe ka ga gagwe ba tla bona, le ba ba iseng ba utlwe ba tla tlhaloganya."**

**Ditiro 2:36,37 "Jaanong a lelapa lengwe le lengwe la Israele le itse ruri gore ene Jesu yo lo mmapotseng, Modimo o mo dirile Morena le Keresete." 37 E rile ba utlwa, ba tlhabega mo pelong, ba be ba raya Petoro le baapostolo ba bangwe ba re: "Banna ba ga etsho, re ka dirang?"**

**Bahebere 4:2 Gonне le rona Efangele re e reretswe fela jaaka bale; mme lefoko la therо bale ga le a ka la ba thusa sepe, ka le se ka la tsholwa ka tumelo ke ba ba le utlwileng.**

**Jeremia 24:7 - Matheo 22:37 A mo araba a re: "Rata Morena, Modimo wa gago, ka pelo yotlhе le ka mowa otlhe le ka tlhaloganyo yotlhе ya gago.'**

**Ditiro 16:14 Mosadi mongwe yo leina la gagwe e leng Ledia, morekisi wa masela a mahibidu, wa motse wa Thiatira, yo o boifang Modimo, a reetsa; ene Morena a bula pelo ya gagwe gore a tlhokomele tse di buiwang ke Paulo.**

**Matheo 13:14-16 Polelelo-pele ya ga Jesaya e a ba dirafalela e e reng: 'Go utlwa lo tla utlwa, mme ga lo na go tlhaloganya; le go leba le tla leba, mme ga lo na go bona; 15 gonне dipelo tsa morafe oo di thatafetse, ba kabetse ditsebe, ba buduladitse matlho, e se re gongwe ba lemoga ka matlho, ba utlwa ka ditsebe, ba tlhaloganya ka dipelo, mme ba sokologa, ka ba fodisa.' 16 "Mme matlho a lona a sego, ka gonне a a bona, le ditsebe**

**tsa Iona, ka gonne di a utlwa.**

**Jesaya 6:9,10 - Ditiro 28:27** gonne dipelo tsa morafe o di thatafaditswe, ba kabetse ditsebe, ba ipuduladitse matlho, e se re gongwe ba bona ka matlho, ba utlwa ka ditsebe, ba tlhaloganya ka dipelo, ba sokologa, mme ka ba fodisa.'

**Mareko 4:11,12** A ba raya a re: "Lona lo neilwe bosaitsweng jwa puso ya Modimo; mme ba ba kwa ntle bone, tsotlhe di ba dirafalela ka ditshwantsho. 12 gore 'go bona ba bone, mme ba se ka ba lemoga, le go utlwa ba utlwe, mme ba se ka ba tlhaloganya, e se re gongwe ba sokologa, ba itshwarelw dibe."

**Johane 12:39,40** Ka ntlha ya moo ba paletswe ke go dumela; gonne Jesaya o buile gape a re. 40 "O foufaditse matlho a bone, a thatafatsa dipelo tsa bone gore ba se bone ka matlho le e seng go tlhaloganya ka pelo, ba tloga ba sokologa, mme ka ba fodisa."

**Baroma 11:7,8** Go ntse jang jaanong? Se Baiseraele ba neng ba se batla ga ba a ka ba se bona; mme ba ba tlhaotsweng ba se bonye; ba bangwe bone ba thatafaditswe dipelo. 8 jaaka go kwadilwe ga twe: "Modimo o ba file mowa wa kidibalo, le matlho a a sa boneng, le ditsebe tse di sa utlweng go fitlha mo letsatsing la gompieno."

**2 Bathesalonika 2:10,11** le ka tsietso yotlhe ya tshiamololo mo go bone ba ba latlhegang, ka ba se ka ba amogela lorato lwa go rata boammaaruri gore ba pholosiwe. 11 Ke ka ntlha ya moo Modimo o ba romelang timetso e e thata gore ba tle ba dumele maaka.

**Matheo 13:18-23** "Jaanong he, utlwang setshwantsho sa mojwadi: 19 E a re fa motho a utlwa Lefoko la puso, a sa le tlhaloganye, go tle yo-o-bosula, a phamole se se jwetsweng mo pelong ya gagwe; ke ene wa peo e e jwetsweng mo tseleng. 20 Wa peo e e jwetsweng mo lekgwaraneng ke ene yo o utlwang Lefoko, a be a akofe a le tshole ka boitumelo. 21 Mme ga a na modi ka kwa teng, ke wa sebakanyana fela; e re fa go tsoga patiko gongwe pogiso ka ntlha ya Lefoko, a akofe a kgopege. 22 Wa peo e e jwetsweng mo mitlweng ke ene yo o utlwang Lefoko; mme tshwenyego ya metlha eno le tsietso ya khumo di hupetse Lefoko, le be le tlhoke leungo. 23 Wa peo e e jwetsweng mo mmung o o siameng ke ene yo o utlwang Lefoko, a be a le tlhaloganye. Ke ene yo o ungwang, peo e nngwe e ungue ga lekgolo, e nngwe ga 60, e nngwe ga 30.'

**2 Bakorinthe 3:15,16** Mme go fitlha letsatsing la kajeno, e a re fa Lokwalo lwa ga Mose lo buisiwa, lesire le nne mo dipelong tsa bone; 16 mme fa ba ka boela go Morena, lesire le tla tlosiwa

**Hosea 11:3-7 - Matheo 11:28-30** "Tlaang kwano go nna lotlhe ba lo lapileng, ba lo imelwang; nna ke tla lo lapolosa. 29 Ipeleseng jokwe ya me, lo ithute mo go nna; gonne ke bonolo le boikokobetso mo pelong, mme lo tla bonela mewa ya Iona tapologo. 30 Gonner jokwe ya me e bonolo, morwalo wa me o botlhofo."

**Ditiro 26:18 go ba budulola matlho gore ba sokologe, ba tswe mo lefifing, ba tsene leseding, ba tswe mo thateng ya ga Satane, ba ineele Modimo, gore ba amogele boitshwarelo jwa dibe le boswa mmogo le ba ba itshepisitsweng ka go dumela mo go nna.'**

**2 Timotheo 2:24-26 Mme motlhanka wa Morena ga a tshwanelo go nna motho wa kgang, mme a a nne pelontle le botlhe, a itse go ruta, mme a itshokele bosula. 25 a be a kgalemele baganetsi ka bonolo, e tle e re gongwe Modimo o ba nee tlhabologo e e isang kitsong ya boammaaruri, 26 ba tle ba rarabologelwe, ba tswe mo serung sa ga Diabolo se ba neng ba tshwerwe ka sona gore ba dirafatse thato ya gagwe.**

**Tshenolo 3:17-19 Gonno o a re, o mohumi, o humile, ga o tlhoke sepe; mme o sa itse gore o mmogisegi, o tlhomola pelo, o tletse lehuma, o sefofu, ga o a ikatega. 18 Ke go gakolola gore o reke gouta mo go nna e e itshekisitsweng ka molelo gore o tle o hume, le diaparo tse ditshweu gore o tle o apare, mme ditlhong tsa bosaikatega jwa gago di se ka tsa senoga, le setlhare sa matlho go itlotsa matlho gore o tle o bone. 19 Botlhe ba ke ba ratang ke a ba kgalemela, ke a ba watlhaya; ka moo he, nna matlhagatlhaga o tlhabologe.**

**2 Bakorinthe 7:10 Gonno khutsafalo e e batlwang ke Modimo e dira tlhabologo e e sa swabiseng e e isang phologong, mme khutsafalo ya lefatshe yona e isa losong.**

**2 Bakorinthe 4:4 e bong bone ba ba sa dumeleng, ba modimo wa lefatshe leno o foufaditseng maikutlo a bone, gore lesedi la Efangele ya kgalalelo ya ga Keresete, yo e leng setshwano sa Modimo, le se ka la ba bonegela.**

**Luka 8:11-15 "Mme setshwantsho se raya jaana: Peo ke Lefoko la Modimo. 12 Tse di mo tseleng ke ba ba utlwileng, mme morago go tle Diabolo, a tlose Lefoko mo dipelong tsa bone gore ba se ka ba dumela, ba pholosiwa. 13 Tse di mo mmung o o majwe ke ba e a reng ba utlwile, ba tshole Lefoko ka boitumelo; mme ga ba na modi. Ke ba ba dumelang ka sebakanyana fela, mme mo motlheng wa thaelo ba tenege. 14 Tse di wetseng mo ditlhatshaneng tse di mmitlwa ke bone ba ba utlwileng, mme ba tsamaya ba imelwa ke matshwenyego le mahumo le menate ya lefatshe, ba hupediwa, mme go se ke go butswe leungo lepe mo go bona. 15 Tse di mo mmung o o siameng ke bone ba e a reng ba utlwile, ba boloke Lefoko mo pelong e ntle e e molemo, mme ba ungwe go ya pele.**

**Ditiro 15:11 Mme re dumela gore re pholosiwa ka bopelotlhomojgi jwa Morena Jesu fela jaaka bone."**

**Baroma 8:13 Gonno fa lo phela ka fa nameng, lo tla swa; mme fa lo bolaya ditiro tsa mmele ka mowa, lo tla phela.**

**1 Dikgosi 18:37 - God turned heart back to God**

**Pastor T. John Franklin**

**Church of Salvation, Healing, and Deliverance**

**COS-HAD.org**